

U skladu sa članom 20a. st. (1) i (2) Zakona o radu („Službene novine F BiH“ br. 26/16, 89/18, 44/22 i 39/24) i članom 4. Uredbe o postupku prijema u radni odnos u javnom sektoru u Federaciji BiH („Službene novine F BiH“ broj: 13/19, 9/21 i 53/21), na osnovu člana 15. Pravilnika o radu Dioničkog društva BH Telecom Sarajevo, broj: 00.1-14-83950-2/22, 00.1-14-24850-3/23, 00.1-14-34495/23, 00.1-14-4411/24, 00.1-14-32878-2/24, 00.1-14-68904/24 i 00.1-14-68904-3/24, te u skladu sa tačkom II Odluke o poništenju i ponovnom objavljivanju javnog oglasa za prijem u radni odnos, broj: 03.2.3.1-50-16950-82/24 od 09.12.2024. godine, nakon pribavljene saglasnosti Federalnog ministarstva prometa i komunikacija, broj: 07/1-45-1039/24 od 23.05.2024. godine, vršilac dužnosti izvršnog direktora Izvršne direkcije za pravne poslove, upravljanje organizacijom i ljudskim resursima

PONIŠTAVA JAVNI OGLAS

za prijem radnika u radni odnos na neodređeno vrijeme, uz probni rad u trajanju do 6 (šest) mjeseci u Izvršnoj direkciji informacione tehnologije Dioničkog društva BH Telecom Sarajevo, sa mjestom rada u Kantonu Sarajevo, na radnom mjestu **119. SAP internal consultant, VSS – 1 (jedan) izvršilac** u Službi za ERP sisteme, objavljen dana 08.11.2024. godine u dnevnom listu „Oslobođenje“,

te ponovo objavljuje

JAVNI OGLAS

za prijem radnika u radni odnos na neodređeno vrijeme, uz probni rad u trajanju do 6 (šest) mjeseci u Izvršnoj direkciji informacione tehnologije Dioničkog društva BH Telecom Sarajevo, sa mjestom rada u Kantonu Sarajevo, na radnom mjestu, kako slijedi:

- **119. SAP internal consultant, VSS – 1 (jedan) izvršilac** u Službi za ERP sisteme.

Kratak opis poslova:

1. Identifikuje i rješava kompleksne probleme koristeći standardizovane procedure i alate, prateći standarde i smjernice SAP-a.
2. Utvrđuje poslovne potrebe putem konsultacija, poslovne analize i ciljanih opažanja.
3. Procjenjuje postojeće IT infrastrukture i preporučuje poboljšanja.
4. Razvija i konfigurira prilagođena SAP rješenja.
5. Piše skripte i programe za stvaranje korisničkih sučelja i poboljšanih funkcionalnosti.
6. Vodi i koordinira najsloženije IT projekte iz ERP domene (razvojne i nabavne – integracijske za implementirane SAP module).
7. Priprema prenos promjena u produkcijsko okruženje.
8. Rješava probleme i predlaže rješenja radi optimizacije sistema.
9. Pruža podršku za SAP sistem i obučava krajnje korisnike.
10. Osigurava usklađenosti sa propisima i zahtjevima vlasnika procesa.
11. Definise LL dizajn i SW arhitekturu novih i vrši prilagodbu postojećih IT rješenja iz SAP/ERP domene.
12. Učestvuje u planiranju aktivnosti službe i planiranju i praćenju realizacije IT investicija (Roadmap Enterprise IT Solutions).
13. Vodi aktivnosti pripreme i izrade investicione tehničke dokumentacije i programa (IP, investicione odluke, NZ i slično).
14. Priprema i izrađuje detaljne specifikacije za istraživanje tržišta i nabavku IT rješenja (RFI i RFP postupci).
15. Učestvuje u radu sa isporučiocima rješenja kroz RFI, RFP procedure i provođenje Politike upravljanja vendorima.
16. Učestvuje u radu Projektnih i Agilnih timova za razvoj i implementaciju novih i prilagodbu postojećih IT rješenja u okviru ERP domena.
17. Organizuje rad i vrši praćenje iskoristivosti IT resursa.
18. Vršiti praćenje i kontinuirano izvještavanje o mogućim rizicima i problemima na projektima, o toku i statusu projekata i prikuplja podatke od vođa timova radi predlaganja odluka i akcija.
19. Priprema potrebne izvještaje.
20. Istražuje i razvija znanja kroz samousmjereno učenje, korisničke grupe, obrazovne materijale i obuke.
21. Koordinira aktivnosti izrade dokumentacije razvoja IT u skladu sa QMS procedurama BH Telecoma.

I OPŠTI USLOVI:

- da je kandidat državljanin Bosne i Hercegovine,

- da ima opštu zdravstvenu sposobnost za obavljanje poslova navedenog radnog mjesta (samo kandidat koji bude izabran dužan je da u roku od 5 (pet) dana od dana konačnosti Odluke o prijemu u radni odnos, dostavi ljekarsko uvjerenje o zdravstvenoj sposobnosti, kao dokaz da njegovo zdravstveno stanje i psihofizičke sposobnosti odgovaraju uslovima radnog mjesta, koje nije starije od 3 (tri) mjeseca).

II POSEBNI USLOVI:

- (VII stepen stručne spreme ili visoko obrazovanje prvog ili drugog ciklusa stečeno po Bolonjskom sistemu studiranja sa 240 ECTS bodova u istoj struci) – sa završenim:
 - Elektrotehničkim fakultetom, smjer: Informatika, Telekomunikacije, Automatika/Elektronika,
 - Ekonomskim fakultetom, smjer: Informatika, Menadžment,
 - Prirodno matematičkim fakultetom, smjer: Matematika/Informatika,
 - Fakultetom informacionih tehnologija ili
 - drugi tehnički akreditovani fakultet, smjer: Informatika.
- Radno iskustvo u trajanju od najmanje 3 (tri) godine nakon sticanja potrebne stručne spreme i
- Posjedovanje SAP sertifikata.

III NAČIN PRIJAVE:

Kandidat je dužan dostaviti svojeručno potpisanu prijavu.

Uz prijavu se **obavezno dostavlja original ili ovjerena kopija** sljedećih dokaza:

- Diploma/diplome o sticanju tražene stručne spreme,
- Dodatak diplomi/diplomama (za kandidate koji su završili studij po bolonjskom sistemu studiranja),
(Napomena: Kandidati koji su završili I ciklus studija u trajanju od 6 (šest) semestara po Bolonjskom sistemu studiranja i stekli 180 ECTS bodova, dužni su dostaviti diplome i dodatak diplomama I i II ciklus studija u istoj struci. Kandidati koji su u toku trajanja I ciklusa studija po Bolonjskom sistemu studiranja stekli 240 ECTS bodova, nisu dužni dostaviti diplomu i dodatak diplomi za II ciklus studija),
- Uvjerenje nadležne porezne uprave ili uvjerenje nadležne institucije za penzijsko i invalidsko osiguranje sa pregledom historije osiguranja za osiguranika, koje obavezno treba da sadrži **dešifraciju** stručne spreme, kao i **precizan period trajanja osiguranja u traženom stepenu stručne spreme**, kao dokaz o posjedovanju radnog iskustva u trajanju od najmanje 3 (tri) godine.
(Napomena: Ukoliko uvjerenje o osiguranju nadležne porezne uprave ne sadrži podatak o prestanku osiguranja, kandidat je obavezan uz isto dostaviti i potvrdu nadležne porezne uprave da se još uvijek nalazi u radnom odnosu kod tog poslodavca na zahtijevanom stepenu stručne spreme (potvrda o statusu),
- Uvjerenje o državljanstvu (**koje nije starije od šest mjeseci**) i
- Dokaz o posjedovanju SAP sertifikata izdat od ovlaštenog SAP centra.

Poželjno je da kandidat uz svojeručno potpisanu prijavu, dostavi i svoju biografiju (CV).

NAPOMENA I

U slučaju da, u toku postupka izbora kandidata za prijem u radni odnos, neki od kandidata ostvare jednak broj bodova, prednost pri zapošljavanju pod jednakim uvjetima u skladu sa Zakonom o pravima boraca i članovima njihovih porodica („Sl. novine FBiH“, br. 33/2004, 56/2005, 70/2007, 9/2027 i 29/2022) imat će kandidat koji ima svojstvo, člana porodice demobiliziranog branioca, djeteta šehida - poginulog branioca, umrlog ratnog vojnog invalida, ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidat ostvaruje, samo ukoliko pored opštih i posebnih uslova javnog oglasa, ispunjava i sljedeće:

- da je nezaposleno lice i
- da je demobilizirani branilac ili član njegove porodice, ili da je dijete šehida - poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidati dokazuju dostavljanjem sljedećih dokaza:

- Uvjerenje o statusu nezaposlenog lica izdato od nadležnog organa za vođenje evidencije o nezaposlenim licima, ne starije od 15 dana, od dana izdavanja i
- Rješenje/uvjerenje nadležnog organa o priznavanju svojstva demobiliziranog branioca, člana porodice demobiliziranog branioca, svojstva djeteta šehida – poginulog branioca, umrlog ratnog vojnog invalida, ili umrlog dobitnika ratnog priznanja i odlikovanja.

NAPOMENA II

- a) Svi traženi dokumenti moraju biti original ili ovjerena kopija.
- b) Prijava kandidata koja ne bude sadržavala sve dokaze zahtijevane javnim oglasom odbacit će se kao nepotpuna.
- c) Neuredne, nepotpune i neblagovremene prijave neće se uzeti u razmatranje.
- d) Sa kandidatima čija prijava bude blagovremena, uredna i potpuna održat će se pismeni i usmeni ispit, a Komisija za izbor kandidata za prijem u radni odnos Planom rada može predvidjeti održavanje i praktičnog ispita, o čemu će kandidati biti blagovremeno obaviješteni.
- e) Kandidati koji se ne odazovu/ne pristupe svim ispitima koji su predviđeni Planom rada Komisije, gube pravo na učešće u daljem postupku izbora kandidata.

IV Rok za podnošenje prijava na ovaj javni oglas je do **18.12.2024. godine**

Prijave sa dokazima o ispunjavanju uslova traženih javnim oglasom, dostavljaju se u zatvorenoj koverti neposredno na protokol Dioničkog društva BH Telecom Sarajevo ili putem pošte na adresu:

**Dioničko društvo BH Telecom Sarajevo
Sa naznakom "Prijava na javni oglas na radno mjesto
119. SAP internal consultant
u Izvršnoj direkciji za informacione tehnologije- ne otvarati"
ul. Franca Lehara br. 7, 71000 Sarajevo**

Dokumentacija priložena uz prijavu će se čuvati 1 (jednu) godinu nakon izvršenog izbora kandidata (u slučaju sudskog spora, dok traje spor), te istu kandidat može, uz prethodno podneseni zahtjev, preuzeti na protokolu Generalne direkcije Dioničkog društva BH Telecom Sarajevo nakon okončanja javnog oglasa. Zahtjev za izuzimanje dokumentacije kandidat može podnijeti u roku od 1 (jedne) godine od dana izbora kandidata, putem protokola Generalne direkcije Dioničkog društva BH Telecom Sarajevo na naprijed navedenoj adresi, nakon čega će dostavljena dokumentacija biti uništena.

Dioničko društvo BH Telecom Sarajevo će lične podatke kandidata dostavljene u prijavi i prijavnoj dokumentaciji obrađivati u svrhu provođenja postupka prijema novog radnika.

Upute za apliciranje na javne oglase u Dioničkom društvu BH Telecom Sarajevo možete naći na sljedećem linku:

<https://www.bhtelecom.ba/karijera/>

